

II

(Gníomhartha neamhrechtacha)

RIALACHÁIN

RIALACHÁN CUR CHUN FEIDHME (AE) 2021/2235 ÓN gCOIMISIÚN

an 15 Nollaig 2021

lena ndéantar asbhaintí ó chuótaí iascaireachta atá ar fáil le haghaidh stoic áirithe in 2021 i gcomhréir le Rialachán (CE) Uimh. 1224/2009 ón gComhairle de dheasca na ró-iascaireachta sna blianta roimhe sin agus lena leasaítear Rialachán Cur Chun Feidhme (AE) 2021/1420

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1224/2009 ón gComhairle an 20 Samhain 2009 lena mbunaítear córas rialaithe de chuid an Aontais chun comhlíonadh rialacha an chomhbheartais iascaigh a áirithiú, lena leasaítear Rialachán (CE) Uimh. 847/96, (CE) Uimh. 2371/2002, (CE) Uimh. 811/2004, (CE) Uimh. 768/2005, (CE) Uimh. 2115/2005, (CE) Uimh. 2166/2005, (CE) Uimh. 388/2006, (CE) Uimh. 509/2007, (CE) Uimh. 676/2007, (CE) Uimh. 1098/2007, (CE) Uimh. 1300/2008, (CE) Uimh. 1342/2008 agus lena n-aisghairtear Rialachán (CEE) Uimh. 2847/93, (CE) Uimh. 1627/94 agus (CE) Uimh. 1966/2006 ⁽¹⁾, agus go háirithe Airteagal 105(1), (2), (3) agus (5) de,

De bharr an mhéid seo a leanas:

(1) Bunaíodh cuótaí iascaireachta le haghaidh na bliana 2020 leis na rialacháin seo a leanas:

- Rialachán (AE) 2018/2025 ón gComhairle ⁽²⁾,
- Rialachán (AE) 2019/1838 ón gComhairle ⁽³⁾,
- Rialachán (AE) 2019/2236 ón gComhairle ⁽⁴⁾, agus
- Rialachán (AE) 2020/123 ón gComhairle ⁽⁵⁾.

(2) Bunaíodh cuótaí iascaireachta le haghaidh na bliana 2021 leis na rialacháin seo a leanas:

- Rialachán (AE) 2020/1579 ón gComhairle ⁽⁶⁾,
- Rialachán (AE) 2021/90 ón gComhairle ⁽⁷⁾,

⁽¹⁾ IO L 343, 22.12.2009, lch. 1.

⁽²⁾ Rialachán (AE) 2018/2025 ón gComhairle an 17 Nollaig 2018 lena socraítear le haghaidh 2019 agus 2020 na deiseanna iascaireachta i leith stoic áirithe éisc dhomhainfharraige do shoithí iascaireachta an Aontais (IO L 325, 20.12.2018, lch. 7).

⁽³⁾ Rialachán (AE) 2019/1838 ón gComhairle an 30 Deireadh Fómhair 2019, lena socraítear le haghaidh 2020 na deiseanna iascaireachta le haghaidh stoic éisc áirithe agus grúpaí stoc éisc is infheidhme i Muir Bhailt agus lena leasaítear Rialachán (AE) 2019/124 a mhéid a bhaineann le deiseanna iascaireachta áirithe in uiscí eile (IO L 281, 31.10.2019, lch. 1).

⁽⁴⁾ Rialachán (AE) 2019/2236 ón gComhairle an 16 Nollaig 2019 lena socraítear le haghaidh 2020 na deiseanna iascaireachta le haghaidh stoic éisc áirithe agus grúpaí stoc éisc is infheidhme sa Mheánmhuir agus sa Mhuir Dhubh (IO L 336, 30.12.2019, lch. 14).

⁽⁵⁾ Rialachán (AE) 2020/123 ón gComhairle an 27 Eanáir 2020 lena socraítear le haghaidh 2020 na deiseanna iascaireachta le haghaidh stoic éisc áirithe agus grúpaí stoc éisc, is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad (IO L 25, 30.1.2020, lch. 1).

⁽⁶⁾ Rialachán (AE) 2020/1579 ón gComhairle an 29 Deireadh Fómhair 2020 lena socraítear le haghaidh 2021 na deiseanna iascaireachta le haghaidh stoic éisc áirithe agus grúpaí stoc éisc is infheidhme i Muir Bhailt, agus lena leasaítear Rialachán (AE) 2020/123 maidir le deiseanna iascaireachta áirithe in uiscí eile (IO L 362, 30.10.2020, lch. 3).

⁽⁷⁾ Rialachán (AE) 2021/90 ón gComhairle an 28 Eanáir 2021 lena socraítear deiseanna iascaireachta le haghaidh 2021 maidir le stoic éisc agus grúpaí stoc éisc áirithe is infheidhme sa Mheánmhuir agus sa Mhuir Dhubh (IO L 31, 29.1.2021, lch. 1).

- Rialachán (AE) 2021/91 ón gComhairle ⁽⁸⁾, agus
 - Rialachán (AE) 2021/92 ón gComhairle ⁽⁹⁾.
- (3) De bhun Airteagal 105(1) de Rialachán (CE) Uimh. 1224/2009, i gcás inar shuigh an Coimisiún gur sháraigh Ballstát na cuótaí iascaireachta a leithdháileadh chuige, déanfaidh an Coimisiún asbhaintí ó chuótaí a leithdháilfeall sa todhcháí chuig an mBallstát sin.
 - (4) Le Rialachán Cur Chun Feidhme (AE) 2021/1420 ón gCoimisiún ⁽¹⁰⁾ bunaíodh asbhaintí ó na cuótaí iascaireachta atá ar fáil le haghaidh stoic áirithe in 2021 de dheasca na ró-iascaireachta sna blianta roimhe sin.
 - (5) I gcás Ballstáit áirithe, eadhon an Danmhairg, an Spáinn, an Eastóin, an Fhrainc agus an Ísiltír, ní fhéadfaí asbhaintí áirithe a dhéanamh le Rialachán Cur Chun Feidhme(AE) 2021/1420 ó chuótaí a leithdháileadh le haghaidh na stoc a ndearnadh ró-iascaireacht orthu de bhrí nach raibh cuótaí le haghaidh na stoc sin ar fáil do na Ballstáit sin sa bhliain 2021.
 - (6) Mura féidir asbhaintí a dhéanamh ar an stoc a ndearnadh ró-iascaireacht air sa bhliain i ndiaidh na ró-iascaireachta de bhrí nach bhfuil cuóta ar fáil ag an mBallstát lena mbaineann le haghaidh an stoic sin, foráiltear le hAirteagal 105(5) de Rialachán (CE) Uimh. 1224/2009 go bhféadfar asbhaintí a dhéanamh ar chuótaí le haghaidh stoic eile sa limistéar geografach céanna, nó le haghaidh stoic a bhfuil an luach tráchtála céanna orthu, tar éis dul i gcomhairle leis na Ballstáit lena mbaineann. De réir Theachtaireacht 2012/C 72/07 ón gCoimisiún ina bhfuil Treoirlínte maidir le cuótaí a asbhaint faoi Airteagal 105(1), (2) agus (5) de Rialachán (CE) Uimh. 1224/2009 ⁽¹¹⁾ (“na Treoirlínte”) b’fhearr asbhaintí den sórt sin a dhéanamh sa bhliain nó sna blianta dá éis sin ó chuótaí a leithdháileadh le haghaidh stoc arna n-iascach ag an gcabhlach a chuaigh thar an gcuóta.
 - (7) Chuathas i gcomhairle leis na Ballstáit lena mbaineann i ndáil le hasbhaintí áirithe a dhéanamh ó chuótaí a leithdháileadh le haghaidh stoc nach ndearnadh ró-iascaireacht orthu. Is iomchuí, dá bhrí sin, asbhaintí a dhéanamh ó na cuótaí iascaireachta sin a leithdháileadh ar na Ballstáit sin in 2021.
 - (8) Dá bhrí sin, ba cheart Rialachán Cur Chun Feidhme (AE) 2021/1420 a leasú dá réir.
 - (9) Féadfar tuilleadh nuashonruithe nó ceartúcháin a dhéanamh i ndiaidh earráidí, easnaimh nó míthuairiscíú a bhrath, i gcás an ghnímh reatha nó i gcás gníomhartha a rinneadh roimhe seo, sna figiúirí gabhála arna ndearbhú ag na Ballstáit de bhun Airteagal 33 de Rialachán (CE) Uimh. 1224/2009,

TAR ÉIS AN RIALACHÁN SEO A GHLACADH:

Airteagal 1

Maidir leis na cuótaí iascaireachta a shocraítear le haghaidh na bliana 2021 le Rialacháin (AE) 2020/1579, (AE) 2021/90, (AE) 2021/91 agus (AE) 2021/92, dá dtagraítear in Iarscríbhinn I a ghabhann leis an Rialachán seo, laghdófar iad trí na hasbhaintí ar na stoic eile a leagtar amach san Iarscríbhinn sin a chur i bhfeidhm.

Airteagal 2

Cuirtear an téacs a leagtar amach in Iarscríbhinn II a ghabhann leis an Rialachán seo in ionad na hIarscríbhíne a ghabhann le Rialachán Cur Chun Feidhme (AE) 2021/1420.

⁽⁸⁾ Rialachán (AE) 2021/91 ón gComhairle an 28 Eanáir 2021 lena socraítear, le haghaidh na mblianta 2021 agus 2022, na deiseanna iascaireachta le haghaidh soithí iascaireachta de chuid an Aontais maidir le stoic éisc dhomhainfharraige áirithe (IO L 31, 29.1.2021, lch. 20).

⁽⁹⁾ Rialachán (AE) 2021/92 ón gComhairle an 28 Eanáir 2021 lena socraítear le haghaidh 2021 na deiseanna iascaireachta le haghaidh stoic éisc áirithe agus grúpaí stoc éisc, is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad (IO L 31, 29.1.2021, lch. 31).

⁽¹⁰⁾ Rialachán Cur Chun Feidhme (AE) 2021/1420 ón gCoimisiún an 30 Lúnasa 2021 lena ndéantar asbhaintí ó chuótaí iascaireachta atá ar fáil le haghaidh stoic áirithe in 2021 de dheasca na ró-iascaireachta sna blianta roimhe sin (IO L 305, 31.8.2021, lch. 10).

⁽¹¹⁾ *Communication from the Commission – Guidelines for deduction of quotas under article 105(1), (2) and (5) of Regulation (EC) No 1224/2009 (2012/C 72/07)* (OJ C 72, 10.3.2012, p. 27) *as amended by Communication 2019/C 192/03* (OJ C 192, 7.6.2019, p. 5) [Teachtaireacht ón gCoimisiún – Treoirlínte maidir le cuótaí a asbhaint faoi Airteagal 105(1), (2) agus (5) de Rialachán (CE) Uimh. 1224/2009 (2012/C 72/07) (IO C 72, 10.3.2012, lch. 27) arna leasú le Teachtaireacht 2019/C 192/03 (IO C 192, 7.6.2019, lch. 5)].

Airteagal 3

Tiocfaidh an Rialachán seo i bhfeidhm an seachtú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 15 Nollaig 2021.

Thar ceann an Choimisiúin
An tUachtarán
Ursula VON DER LEYEN

ASBHAINTÍ Ó CHUÓTAÍ IASCAIREACHTA NA BLIANA 2021 ATÁ LE CUR I BHFEIDHM AR STOIC EILE

STOIC A nDEARNADH RÓ-IASCAIREACHT ORTHU						STOIC EILE					
Ballstát	Cód speicis	Cód limistéir	Ainm an speicis	Ainm an limistéir	An chainníocht nach féidir a asbhaint ó chuóta iascaireachta 2021 maidir leis an stoc a ndearnadh ró-iascaireacht air (i gcileagram)	Ballstát	Cód speicis	Cód limistéir	Ainm an speicis	Ainm an limistéir	An chainníocht atá le hasbhaint ó chuóta iascaireachta 2021 maidir leis na stoic eile (i gcileagram)
DK	COD	1N2AB.	An trosc	Uiscí na hIorua in 1 agus 2	1 606	DK	HER	1/2-	An scadán	Uiscí an Aontais, uiscí Fharó, uiscí na hIorua agus uiscí idirnáisiúnta in 1 agus 2	1 606
DK	DGS	15X14	An fíogach gobach	Uiscí an Aontais agus uiscí idirnáisiúnta in 1, 5, 6, 7, 8, 12 agus 14	4 718	DK	MAC	2CX14-	An ronnach	6, 7, 8a, 8b, 8d agus 8e; Uiscí an Aontais agus uiscí idirnáisiúnta in 5b; uiscí idirnáisiúnta in 2a, 12 agus 14	4 718
DK	POK	1N2AB.	An glasán	Uiscí na hIorua in 1 agus 2	80 933	DK	HER	1/2-	An scadán	Uiscí an Aontais, uiscí Fharó, uiscí na hIorua agus uiscí idirnáisiúnta in 1 agus 2	80 933
ES	GHL	1N2AB.	An haileabó Graonlannach	Uiscí na hIorua in 1 agus 2	33 603	ES	COD	1/2B.	An trosc	1 agus 2b	33 603
ES	OTH	1N2AB.	Speicis eile	Uiscí na hIorua in 1 agus 2	22 078	ES	COD	1N2AB.	An trosc	Uiscí na hIorua in 1 agus 2	22 078
EE	COD	1N2AB.	An trosc	Uiscí na hIorua in 1 agus 2	16 377	EE	RNG	5B67-	An gránadóir cruinnso-cach	6 agus 7; Uiscí na Ríochta Aontaithe agus uiscí idirnáisiúnta in 5b	34 000
FR	GHL	1N2AB.	An haileabó Graonlannach	Uiscí na hIorua in 1 agus 2	8 988	FR	REB	1N2AB.	An phéirse mhara	Uiscí na hIorua in 1 agus 2	8 988

FR	NEP	08C.	Gliomach na hIorua	8c	5 342		FR	POL	08C.	An mangach	8c	5 342
FR	WHM	ATLANT	An mairlín geal Atlantach	An tAigéan Atlantach	2 450		FR	BUM	ATLANT	An mairlín gorm Atlantach	An tAigéan Atlantach	2 450
NL	WHB	8C3411	An faoitín gorm	8c, 9 agus 10; Uiscí an Aontais in CEEAF 34.1.1	12 235		NL	WHB	1X14	An faoitín gorm	Uiscí an Aontais agus uiscí idirnáisiúnta in 1, 2, 3, 4, 5, 6, 7, 8a, 8b, 8d, 8e, 12 agus 14	12 235

Cuirtear an méid seo a leanas in ionad na hIarscríbhíne a ghabhann le Rialachán Cur Chun Feidhme (AE) 2021/1420:

“IARSCRÍBHINN

ASBHAINTÍ Ó CHUÓTAÍ IASCAIREACHTA NA BLIANA 2021 I LEITH STOIC A nDEARNADH RÓ-IASCAIREACHT ORTHU

Ballstát	Cód speicis	Cód limistéir	Ainm an speicis	Ainm an limistéir	Cuóta tosaigh 2020 (i gcileagram)	Gabhálacha arna gceadú 2020 (Cainníocht iomlán arna hoiriúna i gcileagram) ⁽ⁱ⁾	Gabhálacha iomlána 2020 (cainníocht i gcileagram)	Ídiú cuóta i gcomparáid leis na gabhálacha arna gceadú	Ró-iascaireacht i gcomparáid leis na gabhálacha arna gceadú (cainníocht i gcileagram)	Fachtóir iolraithe ^(?)	Fachtóir iolraithe breise ^(?) ^(*)	Asbhaintí nach ndearnadh ó bhliain/bhlianta roimhe ^(?) (cainníocht i gcileagram)	Asbhaintí ó chuótaí iascaireachta le haghaidh na bliana 2021 agus na mblianta ina dhiaidh sin (cainníocht i gcileagram)	Asbhaintí ó chuótaí iascaireachta le haghaidh na bliana 2021 maidir leis na stoic a ndearnadh ró-iascaireacht orthu ^(?) (cainníocht i gcileagram)	Asbhaintí ó chuótaí iascaireachta le haghaidh na bliana 2021 maidir le stoic eile (cainníocht i gcileagram)	Le hasbhaint ó chuótaí iascaireachta le haghaidh na bliana 2022 agus na mblianta ina dhiaidh sin (cainníocht i gcileagram)
DE	HER	4AB.	An scadán	Uiscí an Aontais agus uiscí na hIorua in 4 lastuaidh de 53° 30'T	39 404 000	18 997 930	20 355 612	107,15 %	1 357 682	/	/	/	1 357 682	1 357 682	/	/
DE	MAC	2CX14-	An ronnach	6, 7, 8a, 8b, 8d agus 8e; Uiscí an Aontais agus uiscí idirnáisiúnta in 5b; uiscí idirnáisiúnta in 2a, 12 agus 14	23 416 000	21 146 443	22 858 079	108,09 %	1 711 636	/	/	/	1 711 636	1 711 636	/	/
DK	COD	1N2A-B.	An trosc	Uiscí na hIorua in 1 agus 2	/	/	1 606	N/B	1 606	1,00	/	/	1 606	/	1 606	/
DK	DGS	15X14	An fíogach gobach	Uiscí an Aontais agus uiscí idirnáisiúnta in 1, 5, 6, 7, 8, 12 agus 14	/	/	4 718	N/B	4 718	1,00	/	/	4 718	/	4 718	/

DK	HER	03A.	An scadán	3a	10 309 000	7 482 731	7 697 049	102,86 %	214 318	/	/	/	214 318	214 318	/	/
DK	HER	4AB.	An scadán	Uiscí an Aontais agus uiscí na hIorua in 4 lastuaidh de 53° 30'T	59 468 000	75 652 933	81 089 507	107,19 %	5 436 574	/	/	/	5 436 574	5 436 574	/	/
DK	MAC	2A34.	An ronnach	3a agus 4; Uiscí an Aontais in 2a, 3b, 3c agus Foranna 22-32	19 998 000	17 987 493	18 625 387	103,55 %	637 894	/	/	/	637 894	637 894	/	/
DK	MAC	2A4A--N	An ronnach	Uiscí na hIorua in 2a agus 4a	14 453 000	13 507 878	13 531 201	100,17 %	23 323	/	/	/	23 323	23 323	/	/
DK	POK	1N2A-B.	An glasán	Uiscí na hIorua in 1 agus 2	/	7 800	88 733	1 137,60 %	80 933	1,00	/	/	80 933	/	80 933	/
DK	PRA	N1GR-N.	An séacla Artach	Uiscí na Graonlainne in NAFO 1	1 400 000	2 800 000	2 818 891	100,67 %	18 891	/	/	/	18 891	18 891	/	/
DK	SAN	234_2-R	An chorrghainimh	Uiscí an Aontais ina bhfuil limistéar bainistíochta 2r le haghaidh corra gainimh	59 106 000	56 042 763	57 756 024	103,06 %	1 713 261 (°)	/	/	/	1 713 261 (°)	1 713 261 (°)	/	/
ES	COD	1/2B.	An trosc	1 agus 2b	11 688 000	9 576 615	9 581 250	100,05 %	4 635	/	/	/	4 635	4 635	/	/
ES	GHL	1N2A-B.	An haileabó Graonlannach	Uiscí na hIorua in 1 agus 2	/	/	22 402	N/B	22 402	1,00	A	/	33 603	/	33 603	/
ES	OTH	1N2A-B.	Speicis eile	Uiscí na hIorua in 1 agus 2	/	/	22 078	N/B	22 078	1,00	/	/	22 078	/	22 078	/
ES	RJU	9-C.	An roc dústriochta	Uiscí an Aontais in 9	15 000	15 000	21 072	140,48 %	6 072	1,00	/	2 067	8 139	8 139	/	/
EE	COD	1N2A-B.	An trosc	Uiscí na hIorua in 1 agus 2	/	300 000	316 377	105,46 %	16 377	/	/	/	16 377	/	34 000	/
FR	GHL	1N2A-B.	An haileabó Graonlannach	Uiscí na hIorua in 1 agus 2	/	/	8 988	N/B	8 988	1,00	/	/	8 988	/	8 988	/

FR	NEP	08C.	Gliomach na hIorua	8c	0	0	5 342	N/B	5 342	1,00	/	/	5 342	/	5 342	/
FR	WH-M	ATLA-NT	An mairlín geal Atlantach	An tAigéan Atlantach	/	/	1 225	N/B	1 225	1,00	C	/	2 450	/	2 450	/
IE	ALB	AN05N	Tuinnín colgach an Tuaiscirt	An tAigéan Atlantach, lastuaidh de 5° T	2 891 010	2 743 260	2 938 449	107,12 %	195 189	/	C (*)	/	195 189	195 189	/	/
LV	HER	3D--R30	An scadán	Uiscí an Aontais i bhForanna 25-27, 28.2, 29 agus 32	4 253 000	6 135 144	6 138 817	100,06 %	3 673	/	C (*)	/	3 673	3 673	/	/
LV	SPR	3BCD--C	An salán	Uiscí an Aontais i bhforanna 22-32	29 073 000	28 618 753	28 635 182	100,06 %	16 429	/	C (*)	/	16 429	16 429	/	/
NL	HER	4AB.	An scadán	Uiscí an Aontais agus uiscí na hIorua in 4 lastuaidh de 53° 30'T	51 717 000	50 896 907	51 002 687	100,21 %	105 780	/	/	/	105 780	105 780	/	/
NL	WHB	8C341-1	An faoitín gorm	8c, 9 agus 10; Uiscí an Aontais in CECAF 34.1.1	/	/	12 235	N/B	12 235	1,00	/	/	12 235	/	12 235	/
PL	HER	1/2-	An scadán	Uiscí an Aontais, uiscí Fharó, uiscí na hIorua agus uiscí idirnáisiúnta in 1 agus 2	593 000	1 226 015	1 329 820	108,47 %	103 805	/	/	/	103 805	103 805	/	/
PL	MAC	2CX14-	An ronnach	6, 7, 8a, 8b, 8d agus 8e; Uiscí an Aontais agus uiscí idirnáisiúnta in 5b; uiscí idirnáisiúnta in 2a, 12 agus 14	1 649 000	4 724 236	5 185 187	109,76 %	460 951	/	/	/	460 951	460 951	/	/
PT	ALB	AN05N	Tuinnín colgach an Tuaiscirt	An tAigéan Atlantach, lastuaidh de 5° T	2 273 970	1 638 457	1 595 315	97,37 %	-43 142 ⁽¹⁰⁾	N/B	N/B	635 513 ⁽¹¹⁾	635 513 ⁽¹¹⁾	635 513 ⁽¹¹⁾	/	/

PT	ALF	3X14-	Alfainsíní	Uiscí an Aontais agus uiscí idirnáisiúnta in 3, 4, 5, 6, 7, 8, 9, 10, 12 agus 14	164 000	155,278	158,601	102,14 %	3 323	/	A (*)	/	3 323	3 323	/	/
PT	BET	ATLA-NT	An tuinnín mórshúileach	An tAigéan Atlantach	3 058 330	3 058 330	3 069 582	100,37 %	11 252	/	C (*)	/	11 252	11 252	/	/
PT	HKE	8C341-1	An colmóir	8c, 9 agus 10; Uiscí an Aontais in CECAF 34.1.1	2 614 000	1 996 154	2 135 737	106,99 %	139 583	/	C (*)	/	139 583	139 583	/	/
PT	SWO	AS05N	An colgán	An tAigéan Atlantach, laistea de 5° T	299 030	299 030	309 761	103,59 %	10 731	/	/	/	10 731	10 731	/	/

(¹) Cuótaí atá ar fáil do Bhallstát de bhun na Rialachán ábhartha maidir le deiseanna iascaireachta tar éis malartuithe deiseanna iascaireachta a chur san áireamh i gcomhréir le hAirteagal 16(8) de Rialachán (AE) Uimh. 1380/2013 ó Pharlaimint na hEorpa agus ón gComhairle maidir leis an gComhbheartas Iascaigh, lena leasaítear Rialachán (CE) Uimh. 1954/2003 agus (CE) Uimh. 1224/2009 ón gComhairle agus lena n-aisghairtear Rialachán (CE) Uimh. 2371/2002 agus (CE) Uimh. 639/2004 ón gComhairle agus Cinneadh 2004/585/CE ón gComhairle (IO L 354, 28.12.2013, lch. 22), aistriú cuótaí ó 2019 go 2020 i gcomhréir le hAirteagal 4(2) de Rialachán (CE) Uimh. 847/96 ón gComhairle lena dtugtar isteach coinníollacha breise le haghaidh bainistíocht TACanna agus cuótaí ó bhliain go bliain (IO L 115, 9.5.1996, lch. 3) agus le hAirteagal 15(9) de Rialachán (AE) Uimh. 1380/2013 nó athleithdháileadh agus asbhaint deiseanna iascaireachta i gcomhréir le hAirteagail 37 agus 105 de Rialachán (CE) Uimh. 1224/2009.

(²) De réir mar a leagtar amach in Airteagal 105(2) de Rialachán (CE) Uimh. 1224/2009. Beidh feidhm ag asbhaint atá comhionann le ró-iascaireacht * 1,00 i ngach cás inar cothrom le 100 tona nó níos lú ná sin an ró-iascaireacht.

(³) De réir mar a leagtar amach in Airteagal 105(3) de Rialachán (CE) Uimh. 1224/2009 agus ar choinníoll gur mó ná 10 % an ró-iascaireacht.

(⁴) Léiríonn an litir 'A' gur cuireadh fachtóir iolraithe breise 1.5 i bhfeidhm de bharr go ndearnadh ró-iascaireacht leanúnach sna blianta 2018, 2019 agus 2020. Léiríonn an litir 'C' gur cuireadh fachtóir iolraithe breise 1.5 i bhfeidhm de bharr go bhfuil an stoc faoi réir plean ilbhliantúil.

(⁵) Caimníochtaí atá fágtha ó bhliain/bhlianta roimhe.

(⁶) Asbhaintí atá le déanamh in 2021.

(⁷) Asbhaintí atá le déanamh in 2021 a d'fhéadfaí a chur i bhfeidhm an 7 Meán Fómhair 2021 i bhfianaise an chuóta atá ar fáil.

(⁸) Níl an fachtóir iolraithe breise infheidhme mar nach ndeachaigh an ró-iascaireacht thar 10 % de na gabhálacha arna gceadú.

(⁹) Le hasbhaint ó limistéar bainistíochta corr gainimh 3r.

(¹⁰) Ós rud é nach bhfuil Airteagal 4 de Rialachán (CE) Uimh. 847/96 infheidhme maidir le stoc ALB/AN05N, ní féidir an chainníocht sin nár úsáideadh a úsáid chun an leath eile den asbhaint atá dlite in 2021 a laghdú.

(¹¹) Ar iarraidh sin don Phortaingéil, roinneadh an asbhaint de 1 271 026 cileagram a bhí dlite in 2020 mar gheall ar ró-iascaireacht in 2019 go cothrom thar 2 bhliain (2020 agus 2021)."